

**ZAPISNIK O RADU 16. SJEDNICE  
GRADSKOG VIJEĆA GRADA SARAJEVA  
ODRŽANE 30.05.2018. GODINE U VIJEĆNICI**

Broj: 01-GV-02-625 /18

Datum: 30.05.2018. godine

Sjednica je počela s radom u 10.00 sati.

Sjednicom je predsjedavao **Dr. Igor Gavrić, predsjedavajući Gradskog vijeća.** Prisutni su bili sljedeći gradski vijećnici:

- |                            |                            |
|----------------------------|----------------------------|
| 1. Mr. Hazim Bahtanović    | 15. Miro Lazović           |
| 2. Bajro Biber             | 16. Almedin Miladin        |
| 3. Mr. Vedad Deljković     | 17. Snežana Omukić         |
| 4. Vedran Dodik            | 18. Mr. Srđan Simonović    |
| 5. Mr. Tea Mušić           | 19. Dado Stojnić           |
| 6. Samir Fazlić            | 20. Srđan Srdić            |
| 7. Edina Gabela            | 21. Mr. Sead Srna          |
| 8. Dr. Igor Gavrić         | 22. Barbara Peleš Stroil   |
| 9. Nuko Grebović           | 23. Adnan Talić            |
| 10. Adnan Gušo             | 24. Nihad Uk               |
| 11. Reuf Hafizović         | 25. Lana Velić             |
| 12. Mr. Vibor Handžić      | 26. Toni Vukadin           |
| 13. Mira Jurić             | 27. Mr. Miroslav Živanović |
| 14. Prof.dr. Velija Katica |                            |

Odsutni: Sanela Holjan (najavljen izostanak)

Pored gradskih vijećnika, sjednici su prisustvovali:

1. Milan Trivić, zamjenik Gradonačelnika,
2. Ivica Šarić, zamjenik Gradonačelnika,
3. Safet Krajišnik, sekretar Gradskog vijeća,
4. Sanjin Smajlović, pravobranilac Grada Sarajeva,
5. Amela Kolovrat, pomoćnik Gradonačelnika za finansije,
6. Amina Deljković, pomoćnik Gradonačelnika za obrazovanje, kulturu, sport i mlade,
7. Dragana Solaković, pomoćnik Gradonačelnika za lokalnu samoupravu i razvoj grada,
8. Subha Krajišnik, pomoćnik Gradonačelnika za opću upravu i zajedničke poslove,
9. Elvir Hadžiahmetović, pomoćnik Gradonačelnika za evropske integracije i EU fondove
10. Nedim Tvrtković, pomoćnik Gradonačelnika za urbano planiranje, investicije, stambene i komunalne poslove
11. Članovi Komisije za Statut i akte koji nisu gradski vijećnici (prema evidenciji u Gradskoj službi za Gradsko vijeće)
12. Ena Lazović, predsjednica SkupštineJP „Sarajevo, d.o.o

**Predsjedavajući Gradskog vijeća Igor Gavrić** je pozdravio prisutne gradske vijećnike i goste, te upoznao gradske vijećnike sa sjednicom Kolegija Gradskog vijeća koja je održana neposredno pred početak sjednice Gradskog vijeća, a zatim je otvorio 16. sjednicu Gradskog vijeća Grada Sarajeva, konstatacijom da sjednici prisustvuje 25 gradskih vijećnika, te da su kašnjenje najavili gradski vijećnik Vedran Dodik i gradski vijećnik Miro Lazović.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva,** bez rasprave, jednoglasno, izjasnivši se sa 20 glasova “za”, bez glasova “protiv” i bez “suzdržanih” glasova prisutnih gradskih vijećnika (šest gradskih vijećnika se nije izjasnilo), usvojilo je Zapisnik o radu 15. sjednice Gradskog vijeća Grada Sarajeva održane 25.04.2018. godine.

\*\*\*

**Predsjedavajući Gradskog vijeća Igor Gavrić** je podsjetio gradske vijećnike da su, uz predloženi dnevni red sjednice, dostavljeni materijali gradskim vijećnicima, zajedno sa saglasnostima zamjenika Gradonačelnika, a zatim je najavio određivanje o aktima koji su predloženi za razmatranje u formi prijedloga, po proceduri koja zahtjeva izjašnjavanje Gradskog vijeća o prethodnom pitanju.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva,** bez rasprave, jednoglasno, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je prijedlog da se Odluka o izmjenama i dopuni Kalendara obilježavanja datuma i događaja značajnih za Grad Sarajevo, razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva,** bez rasprave, jednoglasno, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je prijedlog da se Odluka o izmjenama i dopunama Etičkog kodeksa izabranih zvaničnika Grada Sarajeva, razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva,** bez rasprave, jednoglasno, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je prijedlog da se Odluka o izmjeni naziva budžetske pozicije u Budžetu Grada Sarajeva za 2018. godinu, razmatra u formi prijedloga po hitnom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva,** bez rasprave, jednoglasno, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je prijedlog da se Informacija o mogućnosti realizacije projekta održavanja Formule E u Sarajevu, razmatra u formi po hitnom postupku i kao takva uvrsti u prijedlog dnevnog reda 16. sjednice Gradskog vijeća.

\*\*\*

Bez rasprave, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva,** jednoglasno, izjasnivši se sa 22 glasa “za”, bez glasova “protiv” i bez “suzdržanih”

glasova prisutnih gradskih vijećnika (jedan gradski vijećnik se nije izjasnio), za 16. Sjednicu Gradskog vijeća Grada Sarajeva, usvojilo je sljedeći dnevni red:<sup>1</sup>

1. **Prijedlog Odluke o izmjenama i dopuni Kalendara obilježavanja datuma i događaja značajnih za Grad Sarajevo**
2. **Prijedlog Odluke o izmjenama i dopunama Etičkog kodeksa izabranih zvaničnika Grada Sarajeva**
3. **Prijedlog Odluke o izmjeni naziva budžetske pozicije u Budžetu Grada Sarajeva za 2018. godinu**
4. **Izvršaj o realizaciji Programa manifestacije obilježavanja 6. aprila Dana grada Sarajeva u 2018. godini**
5. **Izvršaj o provođenju Odluke o uslovima i postupku prihvatanja pokroviteljstva Grada Sarajeva u 2017. godini iz nadležnosti Gradske službe za obrazovanje, kulturu, sport i mlade**
6. **Izvršaj o realizaciji projekta stipendiranja učenika srednjih škola u školskoj 2017/2018. godini**
7. **Izvršaj o radu i poslovanju JP "Olimpijski bazen Otoka" d.o.o. Sarajevo za 2017. godinu**
8. **Izvršaj o radu i poslovanju za 2017. godinu JP "Sarajevo" d.o.o.**
9. **Informacija o izgradnji biciklističke staze na potezu Nedžarići – Skenderija**
10. **Informacija o izvršenju Budžeta Grada Sarajeva za period 01.01. -31.03.2018. godine**
11. **Informacija o mogućnosti realizacije projekta održavanja Formule E u Sarajevu**
12. **Vijećnička pitanja i inicijative**

**Ad 1)**

**Prijedlog Odluke o izmjenama i dopuni Kalendara obilježavanja datuma i događaja značajnih za Grad Sarajevo**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik te da su, uz predloženu odluku, dostavljeni i izvještaji Odbora za društvene djelatnosti i Komisije za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 23 glasa "za", bez glasova "protiv" i bez "suzdržanih" glasova prisutnih gradskih vijećnika (jedan gradski vijećnik se nije izjasnio), na prijedlog Odbora za društvene djelatnosti usvojilo je sljedeći **zaključak:**

**U Kalendar obilježavanja datuma i događaja značajnih za Grad Sarajevo, u dijelu koji se odnosi na obilježavanje Dana Grada Sarajeva, uvrštava se obilježavanje 5. aprila kao dana kada je izvršen prvi napad na Sarajevo, na policijsku školu Vraca 1992. godine.**

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 24 glasa "za", bez glasova "protiv" i bez "suzdržanih" glasova prisutnih gradskih vijećnika, usvojilo je Odluku o izmjenama i dopuni Kalendara obilježavanja datuma i događaja značajnih za Grad Sarajevo kako je predložena, uz uvrštenu dopunu iz usvojenog prijedloga Odbora za društvene djelatnosti.

---

1) Gradskom vijeću je kao informativni materijal, dostavljen i **Zaključak Općine Ilidža kojim se u javnu raspravu upućuje Nacrt Odluke o usvajanju, odnosno provođenju Urbanističkog projekta Spomenički kompleks „Tunel D-B“.**

Ad 2)

**Prijedlog Odluke o izmjenama i dopunama Etičkog kodeksa izabranih zvaničnika Grada Sarajeva**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta gradski vijećnik Vibor Handžić te da su, uz predloženu odluku, dostavljeni i izvještaji Etičkog vijeća i Komisije za Statut i akte.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, jednoglasno**, izjasnivši se sa 24 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo je **Odluku o izmjenama i dopunama Etičkog kodeksa izabranih zvaničnika Grada Sarajeva** kako je predložena,

Ad 3)

**Prijedlog Odluke o izmjeni naziva budžetske pozicije u Budžetu Grada Sarajeva za 2018. godinu**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, a da prijedlog zanači realizaciju inicijative iznesene na sjednici Gradskog vijeća.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, jednoglasno**, izjasnivši se sa 24 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo je **Odluku o izmjeni naziva budžetske pozicije u Budžetu Grada Sarajeva za 2018. godinu** kako je predložena,

Ad 4)

**Izveštaj o realizaciji Programa manifestacije obilježavanja 6. aprila Dana grada Sarajeva u 2018. godini**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, te da su, uz podneseni Izvještaj, dostavljeni i izvještaji Odbora za društvene djelatnosti i Komisije za Statut i akte.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, jednoglasno**, izjasnivši se sa 24 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo je **Izveštaj o realizaciji Programa manifestacije obilježavanja 6. aprila Dana grada Sarajeva u 2018. godini** kako je podnesen,

Ad 5)

**Izveštaj o provođenju Odluke o uslovima i postupku prihvatanja pokroviteljstva Grada Sarajeva u 2017. godini iz nadležnosti Gradske službe za obrazovanje, kulturu, sport i mlade**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, te da je, uz podneseni Izvještaj, dostavljen i izvještaj Odbora za društvene djelatnosti koji je uputio određene prijedloge i sugestije Gradonačelniku, te izvještaj Komisije za Statut i akte.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je **Izveštaj o provođenju Odluke o uslovima i postupku prihvatanja pokroviteljstva Grada Sarajeva u 2017. godini iz nadležnosti Gradske službe za obrazovanje, kulturu, sport i mlade** kako je podnesen,

#### Ad 6)

#### **Izvještaj o realizaciji projekta stipendiranja učenika srednjih škola u školskoj 2017/2018. godini**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, te da je, uz podneseni Izvještaj, dostavljen izvještaj Odbora za društvene djelatnosti i izvještaj Komisije za Statut i akte.

O podnesenom izvještaju je diskutirala **zamjenica Predsjedavajućeg Gradskog vijeća Edina Gabela**, a obratio se i **Gradonačelnik Abdulah Skaka**.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, jednoglasno**, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo je Izvještaj o realizaciji projekta stipendiranja učenika srednjih škola u školskoj 2017/2018. godini kako je podnesen.

#### Ad 7)

#### **Izvještaj o radu i poslovanju JP “Olimpijski bazen Otoka” d.o.o. Sarajevo za 2017. godinu**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Skupština JP “Olimpijski bazen Otoka” d.o.o. Sarajevo, te da je, uz podneseni Izvještaj, dostavljen izvještaj Odbora za javne službe, infrastrukturu i javni saobraćaj i izvještaj Komisije za Statut i akte.

U raspravi su svoje stavove, mišljenja i sugestije, odnosno pitanja uputili **gradski vijećnik Samir Fazlić, gradski vijećnik Nuko Grebović i gradski vijećnik Velija Katica**, te se Gradskom vijeću obratio i **Gradonačelnik Abdulah Skaka**.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, jednoglasno**, izjasnivši se sa 26 glasova “za”, bez glasova “protiv” i bez “suzdržan” glasova prisutnih gradskih vijećnika (jedan gradski vijećnik se nije izjasnio radi prevencije sukoba interesa), usvojilo je Izvještaj o radu i poslovanju JP “Olimpijski bazen Otoka” d.o.o. Sarajevo za 2017. godinu kako je podnesen.

#### Ad 8)

#### **Izvještaj o radu i poslovanju za 2017. godinu JP “Sarajevo” d.o.o.**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Skupština JP “Sarajevo”, te da su, uz podneseni Izvještaj, dostavljeni izvještaji Odbora za javne službe, infrastrukturu i javni saobraćaj i Komisije za Statut i akte.

U raspravi su svoje stavove, mišljenja i sugestije, odnosno pitanja uputili **gradski vijećnik Vibor Handžić, gradski vijećnik Samir Fazlić, gradska vijećnica Tea Mušić, gradski vijećnik Velija Katica, gradski vijećnik Nuko Grebović**, a odgovore na pitanja i dodatna obrazloženja dala je **predsjednica Skupštine JP “Sarajevo” d.o.o. Ena Lazović**.

Raspravu su nastavili **gradski vijećnik Vibor Handžić i gradski vijećnik Nuko Grebović**, a dalje odgovore, odnosno dodatna obrazloženja, dao je **Gradonačelnik Abdulah Skaka**.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, većinom glasova**, izjasnivši se sa 18 glasova “za”, četiri glasa “protiv” i uz četiri “suzdržana” glasa prisutnih gradskih vijećnika (jedan gradski vijećnik se nije izjasnio), usvojilo je Izvještaj o radu i poslovanju JP “Sarajevo” d.o.o. za 2017. godinu kako je podnesen.

#### Ad 9)

##### **Informacija o izgradnji biciklističke staze na potezu Nedžarići – Skenderija**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, te da je, uz Informaciju, dostavljen izvještaj Odbora za javne službe, infrastrukturu i javni saobraćaj.

**Gradonačelnik Abdulah Skaka** je najavio **rukovodioca Stručne službe Gradonačelnika Maju Hadžihalilović** koja je podnijela uvodno izlaganje i odgovorila na pitanja **Predsjedavajućeg Gradskog vijeća Igora Gavrića, gradskog vijećnika Nuke Grebovića i gradske vijećnice Lane Velić**, o čijem pitanju se očitovao **Gradonačelnik Abdulah Skaka, gradski vijećnik Toni Vukadin**, te **Predsjedavajući Gradskog vijeća Igor Gavrić** koji je, nakon završnog obraćanja **Gradonačelnika Abdulaha Skake**, konstatirao da je **Gradsko vijeće Grada Sarajeva primilo k znanju Informaciju o izgradnji biciklističke staze na potezu Nedžarići – Skenderija**.

#### Ad 10)

##### **Informacija o izvršenju Budžeta Grada Sarajeva za period 01.01. - 31.03.2018. godine**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, te da su, uz Informaciju, dostavljeni izvještaji Odbora za budžet i finansije i Administrativne komisije.

**Gradonačelnik Abdulah Skaka** je najavio **pomoćnicu Gradonačelnika za finansije Amelu Kolovrat** koja je podnijela uvodno izlaganje i odgovorila na pitanja iznesena u diskusiji gradskog vijećnika Samira Fazlića i gradskog vijećnika Tonija Vukadina.

Nakon rasprave, **Predsjedavajući Gradskog vijeća Igor Gavrić** je konstatirao da je **Gradsko vijeće Grada Sarajeva primilo k znanju Informaciju o izvršenju Budžeta Grada Sarajeva za period 01.01. - 31.03.2018. godine**.

#### Ad 11)

##### **Informacija o mogućnosti realizacije projekta održavanja Formule E u Sarajevu**

U uvodnim napomenama **Predsjedavajući Gradskog vijeća Igor Gavrić** je podsjetio Gradske vijećnike da je predlagač akta Gradonačelnik i upoznao gradske vijećnike da je, budući da se materija razmatra po hitnom postupku, Kolegij Gradskog vijeća, pred samu sjednicu Gradskog vijeća, razmotrio ovu inicijativu kojoj su priložene i dvije podrške drugih subjekata, te predložio određene zaključke koji su dostupni gradskim vijećnicima u Izvještaju Kolegija Gradskog vijeća.

Uvodno izlaganje je podnio **Gradonačelnik Abdulah Skaka**.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 26 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), na prijedlog Kolegija Gradskog vijeća, usvojilo je sljedeći zaključak:

- 1. Gradsko vijeće je razmotrilo Informaciju o mogućnosti realizacije projekta održavanja Formule E u Sarajevu i primilo je k znanju.**
- 2. Gradsko vijeće Grada Sarajeva podržava inicijativu za realizaciju projekta održavanja Formule E u Sarajevu i daje podršku Gradonačelniku za dalje postupanje ka realizaciji projekta.**
- 3. Zadužuje se Gradonačelnik da, za jednu od narednih sjednica Gradskog vijeća, predloži akt kojim će Gradsko vijeće odlučiti o pristupanju projektu održavanja**

**Formule E u Sarajevu i opredijeliti se za izdvajanje budžetskih sredstava potrebnih za izradu studije izvodljivosti.**

**Ad 12)**

**Vijećnička pitanja i inicijative**

**Predsjedavajući Gradskog vijeća Igor Gavrić** je najavio razmatranje vijećničkih pitanja i inicijativa i to najprije onih dostavljenih u pisanoj formi uz poziv za sjednicu.

- 1. Predsjedavajući Gradskog vijeća Igor Gavrić** je podnio **inicijativu** vezanu za unaprjeđenje liječenja i poboljšanje kvaliteta života djece i omladine oboljele od dijabetesa u Kantonu Sarajevo i njihovih obitelji, a koja je detaljno obrazložena u aktu „Inicijativa za život s manje boli“ Udruženje dijabetičara djece i omladine Kantona Sarajevo koji je priložen u inicijativi.
  - Upućuje se inicijativa Kantonu Sarajevo da se ponovno na esencijalnu listu A uvrsti glukagon u odgovarajućoj formi, hormon koji se primjenjuje u slučaju teških hipoglikemija i koji spašava živote, a bez posljedica po zdravlje djeteta (koriste ga i trudnice i dojilje).
  - Upućuje se inicijativa Kantonu Sarajevo da se propiše pravo za djecu i mlade oboljele od dijabetesa, na nabavku potrebnih pomagala u odgovarajućim količinama, a na teret Zavoda zdravstvenog osiguranja Kantona Sarajevo i to prioritarno:
    - dovoljnog broja trakica za mjerenje šećera;
    - inzulinske pumpe (tako da se uradi i pravo na popravak pumpe, odnosno zamjenu u slučaju kvara, te pravo na trajno dobivanje potrošnog materijala za pumpu);
    - aplikativne otvore za višekratne dnevne potkožne injekcije inzulina (I—Port) za djecu koja, za koju se utvrdi kontraindikacija za korištenje inzulinske pumpe.
  - Upućuje se inicijativa, odnosno zahtjev Agenciji za lijekove i medicinska sredstva Bosne i Hercegovine da se senzori za bezbolno kontinuirano mjerenje glukoze u krvi koji prepoznaju, odnosno upozoravaju na previsoke ili preniske vrijednosti šećera u krvi i čitač za očitavanje vrijednosti (kao što su Free Style Libre ili Dexcom), uvrste u odgovarajući registar medicinskih sredstava koja imaju dozvolu za stavljanje u promet u Bosni i Hercegovini.
  - Upućuje se inicijativa, odnosno zahtjev Ministarstvu zdravlja Kantona Sarajevo da izda dozvolu zainteresiranim distributerima za interventni uvoz senzora za bezbolno kontinuiranje mjerenje glukoze u krvi i čitač za očitavanje vrijednosti), a do njihovog uvrštavanja u registar medicinskih sredstava koja imaju dozvolu za stavljanje u promet u Bosni i Hercegovini.
  - Upućuje se inicijativa gradskim općinama da osiguraju sredstva za nabavku mjerača i redovnu kupovinu senzora u dovoljnoj količini svima kojima su oni potrebni, prioritarno djeci i mladima (kao što to rade druge općine u Federaciji Bosne i Hercegovine).
  - Upućuje se inicijativa Ministarstvu zdravlja Kantona Sarajevo za hitnu reorganizaciju diabetološke zaštite uz definiciju kategorija oboljelih od dijabetesa po prioritetima i za određivanje pripadajućih prava (od djece oboljele od dijabetesa, punoljetnih učenika, studenata i mladih bez zaposlenja, te trudnica na inzulinskoj terapiji do starijih na inzulinskoj odnosno kombiniranoj ili terapiji tabletama).

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, jednoglasno**, izjasnivši se sa 24 glasa “za”, bez glasova “protiv” i bez “suzdržanih” glasova prisutnih gradskih vijećnika (tri gradska vijećnika se nisu izjasnila), podržalo je podnesenu inicijativu, te je ona postala inicijativom Gradskog vijeća i upućuje sa nadležnim organima.

2. **Odbor za javne službe, infrastrukturu i javni saobraćaj** je predložio Gradskom vijeću da uputi **inicijativu** gradskim općinama da poduzmu sve potrebno da se dovrši izgradnja biciklističke staze i postave odlagališta za bicikle, u najkraćem mogućem roku, a posebno kroz područje općina Centar i Stari Grad.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, jednoglasno**, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (četiri gradska vijećnika se nisu izjasnila), podržalo je prijedlog i formuliralo inicijativu Gradskog vijeća Grada Sarajeva koja glasi:

Gradsko vijeće Grada Sarajeva upućuje inicijativu gradskim općinama da poduzmu sve potrebno da se dovrši izgradnja biciklističke staze u gradu Sarajevu i postave odlagališta za bicikle, a u najkraćem mogućem roku, posebno kroz područje općina Centar i Stari Grad.

3. **Odbor za javne službe, infrastrukturu i javni saobraćaj** je predložio Gradskom vijeću da uputi **inicijativu** javnim medijskim servisima da, među svoje programske sadržaje, uvrste i promociju zdravog načina života, a u tom kontekstu, potrebu izgradnje i korištenja biciklističke staze i formiranje pješačkih zona, odnosno odgovarajućeg pristupa sadržajima na području grada za osobe s invaliditetom ili za dječja kolica.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (pet gradskih vijećnika se nije izjasnilo), podržalo je prijedlog i formuliralo inicijativu Gradskog vijeća Grada Sarajeva koja glasi:

Gradsko vijeće Grada Sarajeva upućuje inicijativu javnim medijskim servisima da, među svoje programske sadržaje, uvrste i promociju zdravog načina života, a u tom kontekstu da promoviraju potrebu izgradnje i korištenja biciklističke staze i formiranje pješačkih zona na području grada Sarajeva, te izgradnje odgovarajućeg pristupa svim lokalitetima za osobe s invaliditetom i za dječja kolica.

4. **Odbor za društvene djelatnosti** upućuje **inicijativu Gradskom vijeću** da svojim zaključkom zatraži od Gradonačelnika informaciju o toku realizacije inicijative vezane za uspostavljanje Dana osnivanja Grada Sarajeva.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (pet gradskih vijećnika se nije izjasnilo), podržalo je prijedlog i usvojilo sljedeći zaključak:

**Traži se od Gradonačelnika da Gradskom vijeću dostavi informaciju o toku realizacije inicijative vezane za uspostavljanje Dana osnivanja Grada Sarajeva.**

5. **Odbor za društvene djelatnosti** upućuje **inicijativu Gradskom vijeću** da svojim zaključkom zatraži od Gradonačelnika informaciju o toku realizacije inicijative vezane za pokroviteljstvo Grada Sarajeva.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva, većinom glasova**, izjasnivši se sa 17 glasova “za”, dva glasa “protiv” i uz dva “suzdržana” glasa prisutnih gradskih vijećnika (šest gradskih vijećnika se nije izjasnilo), podržalo je prijedlog i usvojilo sljedeći zaključak:

**Zadužuje se Gradonačelnik da predloži Gradskom vijeću donošenje određenih kriterija za uređivanje visine finansijskih sredstava koja se opredjeljuju za**



**određene projekte, ovisno o vrsti i sadržaju projekta, a koji se finansiraju putem pokroviteljstva Grada Sarajeva.**

- 6. Odbor za društvene djelatnosti upućuje inicijativu Gradskom vijeću da svojim zaključkom** predloži Gradonačelniku, da na odgovarajući način javno promovira Odluku o uslovima i postupku prihvatanja pokroviteljstva Grada Sarajeva, te kriterije, po osnovu kojih se Grad Sarajevo opredjeljuje za pokroviteljstvo, kako bi, među projektima kojima je pokrovitelj Grad Sarajevo, ravnopravno bili zastupljeni projekti prema svim kriterijima navedenim u Pravilniku Gradonačelnika o kriterijima za prihvatanje pokroviteljstva Grada Sarajeva.

Na poziv Predsjedavajućeg Gradskog vijeća Igora Gavrića, **Gradsko vijeće Grada Sarajeva**, izjasnivši se sa 11 glasova “za”, sedam glasova “protiv” i uz dva “suzdržana” glasa prisutnih gradskih vijećnika (sedam gradskih vijećnika se nije izjasnilo), nije podržalo prijedlog te se inicijativa upućuje Gradonačelniku kao inicijativa Odbora za društvene djelatnosti:

Predlaže se Gradonačelniku da, na odgovarajući način, javno promovira Odluku o uslovima i postupku prihvatanja pokroviteljstva Grada Sarajeva, te kriterije, po osnovu kojih se Grad Sarajevo opredjeljuje za pokroviteljstvo, kako bi, među projektima kojima je pokrovitelj Grad Sarajevo, ravnopravno bili zastupljeni projekti prema svim posebnim kriterijima navedenim u Pravilniku Gradonačelnika o kriterijima za prihvatanje pokroviteljstva Grada Sarajeva.

- 7. Gradska vijećnica Snežana Omukić**, uputila je **vijećničko pitanje** vezano za ranije podnesenu inicijativu, a koje je imalo sljedeći sadržaj.

Budući da je iz informacije o izvršenju Budžeta Grada Sarajeva za prvo tromjesečje tekuće godine, vidljivo da sredstva planirana za nabavku aparata za hemodijalizu nisu realizirana, potrebno je upoznati gradske vijećnike o toku realizacije sredstava koja su, za ovu namjenu, uvrštena u Budžet Grada Sarajeva po osnovu usvojenog amandmana na Prijedlog Budžeta Grada Sarajeva za 2018. godinu.

- 8. Gradska vijećnica Barbara Peleš Stroil**, uputila je **vijećničko pitanje** vezano za ranije podneseno vijećničko pitanje u diskusiji koja je, između ostalog, imala sljedeći sadržaj.

Prošli put je upućeno vijećničko pitanje, vezano za broj i strukturu zaposlenih na konkretnim poslovima u objektu Vijećnica. Dostavljen je odgovor u kome je naveden broj i struktura uposlenih, ali nisu dostavljena imena zaposlenika.

Potrebno je odgovor na pitanje dopuniti i traženim imenima za navedenih šest uposlenih u Vijećnici.

- 9. Gradska vijećnica Barbara Peleš Stroil**, uputila je **vijećničko pitanje** sljedećeg sadržaja.

Potrebno je odgovoriti na pitanje u kojoj fazi je rekonstrukcija objekta Olimpijskog muzeja u Sarajevu, budući da bi, po nekim saznanjima, ovaj muzej trebao biti otvoren u februaru 2019. godine, a ne vidi se da je obnova započela, odnosno objekt je i dalje u vrlo derutnom stanju.

- 10. Gradski vijećnik Nihad Uk**, uputio je **inicijativu** u diskusiji sljedećeg sadržaja.

Na jednoj od prethodnih sjednica, gradski vijećnik Samir Fazlić je inicirao da se Gradskom vijeću dostavi informacija o projektu „ARS AEVI“, te se očekuje, obzirom na izuzetan značaj ovog projekta za Sarajevo, da Gradonačelnik, za sljedeću sjednicu Gradskog vijeća, pripremi informaciju o realizaciji projekta Muzej savremene umjetnosti „ARS AEVI“ Sarajevo.

- 11. Gradski vijećnik Velija Katica**, uputio je **inicijativu**, za koju je naglasio da je upućuje zajedno s gradskim vijećnikom Nukom Grebovićem, u diskusiji sljedećeg sadržaja.

Potrebno je da Grad Sarajevo podrži projekt dječijeg hora „PRINCESS KROFNE“ iz Sarajeva za izradu 11 kompakt diskova pod naslovom “Zato volim ovaj grad“ na kojima će se zabilježiti pjesme posvećene gradu Sarajevu, nastale u period od 1993. do 2017. godin, a koji će se darovati predškolskoj i školskoj djeci, te drugim grupacijama građana, u cilju popularizacije Sarajeva.

- 12. Gradski vijećnik Samir Fazlić**, ponovio je ranije upućenu **inicijativu**, u diskusiji sljedećeg sadržaja.

Potrebno je da Grad Sarajevo ponovo uputi inicijativu Predsjedništvu Bosne i Hercegovine, odnosno Službi Predsjedništva zaduženoj za protokol, da visoke delegacije pri posjetama Bosni i Hercegovini u gradu Sarajevu, obavezno odaju počast polaganjem cvijeća na spomeniku ubijenoj djeci opkoljenog Sarajeva '92-'95, budući da je prošlo skoro godinu dana od upućivanja ove inicijative, a još uvijek nije dostavljeno očitovanje o podnesenoj inicijativi iz Predsjedništva Bosne i Hercegovine.

- 13. Gradski vijećnik Samir Fazlić**, je uputio **inicijativu**, u diskusiji sljedećeg sadržaja.

NTV Hayat se u proteklom periodu, svojim programskim sadržajima opredijelio za promociju gradskih projekata, a značajno je bilo i sudjelovanje ove televizijske kuće u svečanim događajima Grada Sarajeva u povodu Dana Grada Sarajeva.

Bilo bi dobro da Grad Sarajevo u narednom periodu ponudi ovoj TV kući saradnju u smislu direktnog prenosa sjednica Gradskog vijeća odnosno osmišljavanju emisije u kojoj će se kratkom hronikom prezentirati rad sjednica Gradskog vijeća, a što bi pored građana grada Sarajeva moglo biti zanimljivo i BiH dijaspori.

- 14. Gradski vijećnik Samir Fazlić**, je uputio **vijećničko pitanje** u diskusiji sljedećeg sadržaja.

U ulici Ferhadija je 27. maja odavanjem počasti i polaganjem cvijeća obilježena godišnjica masakra na kojoj je u ime Grada Sarajeva prisustvovala samo zamjenica Predsjedavajućeg Gradskog vijeća Mira Jurić.

Potrebno je podsjetiti da je delegaciju Kantona Sarajevo činio i premijer Kantona, i predsjednica Skupštine Kantona, određeni broj ministara i zastupnici u Skupštini Kantona Sarajevo.

Bilo bi dobro da Grad Sarajevo, također, ubuduće formira visoku i brojniju delegaciju koja će dostojanstveno odati počast nedužnim ubijenim građanima Sarajeva, pogotovo na ovom mjestu gdje se obilježava jedan od najtežih dana za građane Sarajeva u proteklom ratu.

- 15. Gradski vijećnik Samir Fazlić**, je uputio **inicijativu** u diskusiji sljedećeg sadržaja.

Potrebno je naglasiti, da opredjeljenje, da određeni projekti postanu gradski projekti, kroz svoje odluke, uključujući i usvajanje Budžeta Grada Sarajeva, donosi Gradsko vijeće, te ih, prema odlukama Gradskog vijeća, Gradonačelnik i realizira, izvršavajući, tako, politiku Grada Sarajeva.

S tim u vezi, pri promociji Grada Sarajeva - organa Grada Sarajeva, njihovih aktivnosti i realizacije gradskih projekata, pored Gradonačelnika, trebaju biti zastupljeni i gradski vijećnici koji upravo čine organ Grada Sarajeva nadležan za odlučivanje, odnosno donošenje politike Grada Sarajeva.

\*\*\*

O upućenom vijećničkom pitanju diskutirao je **Predsjedavajući Gradskog vijeća Igor Gavrić**.

**16. Gradski vijećnik Nuko Grebović**, vezano za raniju inicijativu Gradskog vijeća, uputio je **vijećničko pitanje** u diskusiji sljedećeg sadržaja.

Potrebno je da Gradonačelnik informira Gradsko vijeće o toku realizacije projekta postavljanja spomenika Dariju Džamonji, Kemalu Montenu i Esadu Arnautaliću u parku preko puta FIS-a, odnosno o planiranim rokovima za realizaciju projekta.

**17. Gradski vijećnik Nuko Grebović**, uputio je **inicijativu** u diskusiji sljedećeg sadržaja.

Potrebno je park preko puta FIS-a, gdje su postavljeni spomenici Mirzi Delibašiću i Davorinu Popoviću, učiniti pristupačnim za invalidska, odnosno dječja kolica.

**18. Gradski vijećnik Nuko Grebović**, uputio je **inicijativu** u diskusiji sljedećeg sadržaja.

Potrebno je pratiti i redovno održavati jarbole u nadležnosti Grada Sarajeva, postavljene na području grada Sarajeva na kojima su istaknute zastave, tako da se osigura da ove zastave uvijek budu uredne, cijele i nove.

\*\*\*

Prije zaključivanja rada 16. sjednice Gradskog vijeća, **gradski vijećnik Dado Stojnić** je upoznao Gradsko vijeće da je postao član Unije socijaldemokrata, a **gradski vijećnik Vibor Handžić** je ukazao na potrebu ažuriranja članstva u Mandatno imunitetskoj komisiji na službenoj internetskoj stranici Gradskog vijeća.

\*\*\*

**Predsjedavajući Gradskog vijeća Igor Gavrić** je zatim zaključio rad 16. sjednice Gradskog vijeća Grada Sarajeva i najavio održavanje 17. sjednice Gradskog vijeća u srijedu, 27. 06. 2018. godine.

Podsjetio je gradske vijećnike da je uz poziv za 16. Sjednicu gradskim vijećnicima kao informativni materijal, dostavljen zaključak Općinskog vijeća Ilidža, kojim se Nacrt Urbanističkog projekta "Spomenički kompleks Tunel D-B upućuje u javnu raspravu.

*Sjednica Gradskog vijeća Grada Sarajeva završena je u 12 sati i 20 minuta.*

Sastavni dio ovog zapisnika je izvornik i tonski snimak o radu Gradskog vijeća koji se čuvaju u Gradskoj službi za Gradsko vijeće.

*SEKRETAR GRADSKOG VIJEĆA  
Safet Krajišnik, s.r.*

*PREDSJEDAVALJUĆI GRADSKOG VIJEĆA  
Dr. Igor Gavrić, s.r.*